

**UNDANG-UNDANG KEOL
PASAR MALAM/SEHARI
MAJLIS DAERAH BESUT
1994**

TR. P.U. 8
BIL. 13/1994
TARIKH 23 JUN 1994



NEGERI TERENGGANU DARUL IMAN

Warta Kerajaan

DITERBITKAN DENGAN KUASA

GOVERNMENT OF TERENGGANU DARUL IMAN GAZETTE

PUBLISHED BY AUTHORITY

Jil. 47

Bil. 13

23hb Jun 1994

TAMBAHAN No. 6

PERUNDANGAN

Tr. P.U. 8.

AKTA KERAJAAN TEMPATAN 1976

UNDANG-UNDANG KECIL PASAR MALAM/SEHARI (MAJLIS DAERAH BESUT) 1994,

PADA menjalankan kuasa-kuasa yang diberi oleh seksyen 102 (h) Akta Kerajaan Tempatan, 1976, Majlis Daerah Besut Terengganu membuat dan menurut seksyen 103 Akta tersebut, Pihak Berkuasa Negeri mengesahkan undang-undang kecil berikut:

1. (1) Undang-undang kecil ini bolehlah dinamakan Undang-undang Kecil Pasar Malam/Sehari (Majlis Daerah Besut) 1994 dan hendaklah dipakai hanya bagi kawasan Majlis Daerah Besut.

Nama pemukiman
diawali
berdasarkan

“pasar sehari” ertinya mana-mana tapak di atas mana-mana jalan awam, lorong awam, atau tempat awam yang mana pada fikiran Yang Dipertua adalah sesuai untuk jualan atau dipamerkan untuk jualan apa-apa makanan, minuman atau barangan dari apa jua jenis, daripada jam 6.00 pagi hingga 12.00 tengah hari;

“pegawai berkuasa” ertinya mana-mana pegawai Majlis;

“pemegang lesen” ertinya mana-mana orang atau pertubuhan yang kepadanya suatu lesen telah diberikan di bawah undang-undang kecil ini;

“Yang Dipertua” ertinya Yang Dipertua, Majlis Daerah Besut dan termasuklah Timbalan Yang Dipertua.

Lesen.

3. (1) Tiada seorang pun boleh mendirikan atau menempatkan mana-mana gerai pasar malam/sehari untuk tujuan menjalankan perniagaannya di atas mana-mana jalan, lorong atau di atas mana-mana tempat awam atau persendirian tanpa suatu lesen yang dikeluarkan oleh Yang Dipertua.

(2) Tiap-tiap permohonan bagi mendapatkan suatu lesen hendaklah dibuat secara bertulis kepada Yang Dipertua dalam borang yang ditentukan oleh Yang Dipertua.

(3) Tiap-tiap lesen yang dikeluarkan di bawah undang-undang kecil ini hendaklah ditandatangani oleh Yang Dipertua atau mana-mana pegawai yang diberikuasa secara bertulis oleh Yang Dipertua; dan hendaklah dalam borang yang ditentukan oleh Yang Dipertua.

(4) Lesen yang dikeluarkan itu hendaklah menyatakan yang berikut:

- (a) tapak atau kawasan di mana pemegang lesen dibenarkan mendirikan atau meletakkan gerai pasar malam/sehari dan menjalankan perniagaannya;
- (b) saiz gerai pasar malam/sehari itu;
- (c) waktu perniagaan;
- (d) tempoh di mana lesen itu sah; dan
- (e) apa-apa syarat yang difikirkan oleh Yang Dipertua sebagai patut untuk dikenakan.

(5) Tiap-tiap lesen boleh dibatal, dipotong atau digantung oleh Yang Dipertua pada bila-bila masa tanpa memberi apa-apa sebab.

(6) Seseorang pemegang lesen hendaklah menyerahkan lesennya kepada Yang Dipertua apabila ia tamat tempoh, dibatalkan, dipotong atau digantung.

Lesen hendaklah dipamer

4. Tiap-tiap pemegang lesen hendaklah mempamerkan lesennya pada setiap masa, di suatu tempat yang mudah dilihat dan tidak terlindung di mana-mana dan mengemukakan atau disebabkan supaya dikemukakan lesen itu apabila diminta oleh mana-mana pegawai berkuasa.

Fee lesen.

5. (1) Semua lesen yang dikeluarkan di bawah undang-undang kecil 3 hendaklah tertakluk kepada bayaran fee sebagaimana ditetapkan dalam Jadual Pertama.

(2) Fee yang dibayar di bawah undang-undang kecil ini tidak boleh dibayar balik apabila sesuatu lesen itu dibatalkan, digantung, dipotong atau tamat tempoh.

6. Tiada pemegang lesen mana-mana gerai pasar malam/sehari boleh memindahmilik, memajak atau menyewa lesennya kepada mana-mana orang atau pertubuhan tanpa terlebih dahulu mendapat kebenaran bertulis daripada Yang Dipertua.

Lesen tidak boleh dipindahmilik.

7. Tiap-tiap pemegang lesen hendaklah membiarkan semua tempat lalu-lalang disebelah gerai pasar malam/sehari bebas dari apa jua jenis halangan yang timbul dari atau berkaitan dengan perniagaannya dan tiada pemegang lesen boleh menempatkan mana-mana artikel melewati garis-garis penandaan yang menunjukkan kawasan gerainya.

Halangan.

8. Tiap-tiap pemegang lesen gerai pasar malam/sehari hendaklah menjaga:

Kebersihan.

(a) dirinya dan pakaiannya supaya senantiasa dalam keadaan bersih; dan

(b) semua artikel yang berhubung dengan perniagaannya termasuklah makanan, minuman supaya senantiasa dalam keadaan baik dan bersih.

9. (1) Semua sampah-sarap yang najis busuk atau sampah sarap jenis pepejal yang basah hendaklah dimasukkan ke dalam beg plastik atau lain-lain bekas yang sesuai dan diikat dengan sempurna sebelum dimasukkan ke dalam suatu tong sampah.

Pembuangan sampah.

10. Tiada pemegang lesen gerai pasar malam/sehari atau pekerja-pekerjanya boleh menyebabkan atau membenarkan diletakkan, ditumpahkan, ditaburkan atau dibuang apa-apa jua bahan buangan, cecair buangan atau bahan-bahan busuk lain ke atas mana-mana jalan atau tempat awam atau ke dalam mana-mana longkang.

Tumpahan bahan busuk.

11. Semua artikel, barangan atau sesuatu yang bersangkutan dengan gerai pasar malam/sehari hendaklah dipindahkan oleh pemegang lesen selepas tamat tempoh waktu berniaga yang ditetapkan.

Gerai pasar malam/sehari dipindahkan selepas waktu perniagaan.

12. Tiada seseorang pun boleh mendirikan atau menempatkan mana-mana gerai pasar malam/sehari:

Larangan.

(a) atas jalan utama;

(b) dalam lingkungan sembilan meter dari persimpangan jalan;

(c) dalam lingkungan tiga puluh enam desimeter dari pili bomba; atau

(d) berhampiran dengan mana-mana surau, masjid, tanah perkuburan atau tempat beribadat.

Penalti.

13. (1) Mana-mana orang yang melanggar mana-mana peruntukan di bawah undang-undang kecil ini atau mana-mana syarat yang dinyatakan dalam sesuatu lesen adalah bersalah melakukan suatu kesalahan dan apabila disabitkan boleh dikenakan hukuman denda tidak lebih daripada dua ribu ringgit atau penjara selama tempoh tidak lebih daripada satu tahun atau kedua-duanya, dan bagi kesalahan berterusan, denda tambahan tidak lebih daripada dua ratus ringgit bagi tiap-tiap hari kesalahan itu diteruskan selepas sabitan.

Penyitaan.

14. (1) Apa-apa barangan yang dicadang atau dipamerkan untuk jualan, bersama-sama dengan bekasnya dan apa-apa alat yang menyertainya dan juga gerai atau kenderaan kepunyaan orang yang tidak dilesen di bawah undang-undang kecil ini boleh disita oleh mana-mana pegawai berkuasa dan dipindahkan kemana-mana tempat yang ditentukan oleh Yang Dipertua dan ditahan di situ atas risiko pemunyaanya.

(2) Apa-apa barangan mudah musnah yang dirampas di bawah perenggan (1) undang-undang kecil ini bolehlah dilupuskan mengikut cara sebagaimana yang ditentukan oleh Yang Dipertua.

Tuntutan ke atas barangan yang dirampas.

15. Seseorang yang ada apa-apa tuntutan ke atas mana-mana barangan yang telah disita di bawah undang-undang kecil 14, boleh menuntut barangan itu daripada Yang Dipertua dalam tempoh tiga (3) bulan dari tarikh barangan itu disita dan barangan itu bolehlah dipulangkan kepada penuntut tertakluk kepada apa-apa syarat sebagaimana yang dikenakan oleh Yang Dipertua dan kepada bayaran yang ditetapkan dalam Jadual Kedua.

Dengan syarat bahawa sekiranya tiada apa-apa tuntutan dibuat ke atas mana-mana barangan yang telah disita di bawah undang-undang kecil 14 dalam tempoh tiga (3) bulan yang dinyatakan itu, Yang Dipertua boleh melupuskan barangan itu mengikut apa-apa cara yang difikirkan oleh Yang Dipertua sebagai patut.

JADUAL PERTAMA

FEE LESEN DI BAWAH UNDANG-UNDANG KECIL 5 (1)

Jenis	Saiz Gerai	Fee Lesen	Masa Perniagaan
(1) Pasar Malam	8 kaki X 6 kaki	RM25.00 satu tahun	4.00 petang hingga 12.00 malam
(2) Pasar Sehari	8 kaki X 6 kaki	RM25.00 satu tahun	6.00 pagi hingga 12.00 tengah hari

JADUAL KEDUA

(UNDANG-UNDANG KECIL 14)

- (1) Memindah gerai atau barangan RM10.00 satu trip.
- (2) Menyimpan gerai atau barangan RM0.50 sehari.

Diperbuat oleh Majlis Daerah Besut dalam mesyuaratnya pada
30 haribulan November 1991.

[MDB. 027/SJ. 22.]

MUSTOFA BIN ABD. RAHMAN,
Timbalan Yang Dipertua,
Majlis Daerah,
Besut

Disahkan oleh Pihak Berkuasa Negeri dalam mesyuaratnya pada
13 haribulan April 1994.

[SUK. TR. 1200/376; PUN. TR. 85/3/19.]

OSMAN BIN MUDA,
Setiausaha,
Majlis Mesyuarat Kerajaan Negeri,
Terengganu